

Introdwir Nuvo Forma *ibuk*

Nu pe met a dispozisyon viziter websayt LALIT, enn nuvo forma dokiman apel *ibuk* dan seksyon Documents. Forma *ibuk* ki nu servi li enn opensors savedir tu dimunn kapav servi libreman. Sa forma ena osi plizyer lavantaz konpare avek PDF.

Aplikasyon *ibuk*, permet u kapav

- * aziste lalimyer lekran pu swa lizur u aswar, sa anpes li fatig lizye tro buku.
- * aziste groser bann karakter ek mem zot lepeser, enn fonksyon ki byin itil si u lir buku lor u telefonn.
- * sanz font pu seki sak lekter truv pli bon pu li
- * kontrol komye lespas ena ant bann lalinn - si ule text la pli aere
- * kan u ferm aplikasyon, lot kut u reuver li, li rebran kot u ti ete kan u ti aret lir
- * met bookmark ubyin selekte enn sapit an partikilye pu lir

Kimanyer Instal aplikasyon pu lir dokiman *ibuk* lor u portab u lor u PC

Nu pe inklir anba, prosedir pu instal aplikasyon lor telefonn Android ek program lor kompyuter Windows. Bann seki servi Mac zot ena deza enn riyder ki furni ek si dimunn servi Linux zot pu ena riyder opensource a dispozisyon usi.

Android

Al lor Playstore pu dawnlord ReadEra (furni par ReadEra LLC, pez anviron 10 Mb). Li enn aplikasyon san piblisite ek ki fonksyone a 100% mem kan pena koneksyon Internet. Sel otorizasyon ki nesese se pu aksed a bann fayl ki lor telefonn uswa tablet. Lerla, par limem, li pu al rode ki liv ena dan laparey.

Dawnlord enn *ibuk* depi enn websayt, enn meyl, par blutuuf depi enn lot laparey. Letan fini instak [\[instal\]](#) ReadEra ek lans li, li pu skann telefonn par limem pu kone ki liv ki ena ek kotsa zot ete. Li pu propoz enn lalis pu kapav swazir. Tap ar ledwa lor liv ki bizin. Kan li'n uver, pu turn paz zis tus lekran lor rebor drwat uswa gos kuma fer lor enn liv normal. Si u tap ledwa omilye paz, li pu propoz enn meni [\[ANTRO?:kot kapav\]](#) ki permet get tablo konteni, sanz sapit, ogmant uswa diminye groser lekritir, sanz karakter lekritir etc.

Windows

Ena plizyer posibilite, me enn program ki lib (opensource), san piblisite, byen perfeksyone se Calibre. Kapav download [\[dawnlord\]](#) li depi <https://calibre-ebook.com/download>. Li pu instal enn program ki servi kuma enn libreri me kapav servi zis so program lektir.

Kan fini instale bizin rekipen enn *ibuk* ek sovgard li dan kompyuter. Dobel-klik lor fayl la ek li pu dimande ki program servi pu uver. Dan bann swa pu ena E-book Viewer. Enn lot fason prosede se fer enn rayt-klik lor fayl ki'n dawnlord. Lerla dan "Open with" kapav swazir E-book Viewer.